

Kali e ti tangira raoraona.

Te Tai n Amwarake n te Tawanou ae Kamaroa

Iroun Stacy Lynn Carroll
(E boboto i aon te karaki ae koaua)

“Te Tamnei ae Tabu e wirikiriki ma te bwanaa ae maaraara ma ni bebete”
(Aia Boki n Anene Ataei, 105).

E nakonako Kali nakon te ruu ni katawanou Eao n taratara nako. Ataei ni kabane ake tabeman a biri nakoia raoraia ao ni bootaki n te taibora. E karongoa te ruu ma bwanaa ao ngarengare ni kukurei. Ai tibwa te kauoua ni bong n te reirei, ma e tara n ae a bane n iai raoraia n tekateka ma ngaai ma ti Kali.

E koonā bwain tauan ana bwaoki n amwarake ao e nakonako nakon teuana te taibora. “I kona n tekateka irariki?” E titiraki Kali.

Te ataeinnaine ma ana bwaoni, ae buraun e tararake. E ngurengure ao e ioioa atuna. “Ko aki. E tabetabe bwa iai temanna ae na tekateka iai,” e taku.

“E Raoiroi.” E nako Kali nakon teuana te kaintekateka ae akea kaina ao ni katuka ana bwaoki n amwarake iaona.

“Ko aki kona n tekateka ikai! I kamwawaa te kaintekateka anne,” e taku te ataeinimwaane ae kuriin ana karinano. E butuanako ana bwaoki n amwarake Kali nako aontano. A bane ni ngare raoraona.

Kali e baraaki ao ni manga ana a na bwaoki n amwarake. E nakonako rinanon te ruu ni katawanou ao n tekateka n te taibora ae akea kaaina. E noora temanna ae kaain rarikiia ao ni kataia n ioioa baina, ma e tara te tabo teuana. E mimi Kali. Bukin tera akea ae tangiria ni kan riki bwa raoraona?



E baraaki Kali n taraa kanana. E aki tangiria ni kan manga amwarake. E kaoi ranin matana, kaina ana bwaoki n amwarake, ao n nakonako itinaniku.

A bane aomata n kaman tia n takakaro ma raoraia. E tekateka Kali n tingaia iaon te kaintekateka ao ni matakuaikiniia ataei ake tabeman ni kukurei n akea ngaia. Ngkanne Kali e nora te ataeinimwaane ae tao rorona n tekateka n tingaia iaon te uteute. E bwaina te kabwaraaki ae babobo ni memea, ao irana e teirake ibukin atuuna.

Kali e tannako. E noria kurubu n ataeinnaine man ana kiraati n takakaro n te aua n tikuea. E kantani-ngaia bwa ana kaoa bwa e na takakaro ma ngaia.

Kali e a manga tara riki te ataeinimwaane. Atuuna e tinetine nako naano, ao e rikoi uteute aika a katotobia waena. Kali e uringa tebwai teuana are e taekinna Mom n tabetai: *Taraia ataei ake a tiku ni maroa.*

E mimi Kali. *E maroa naba. Akea ae kataia n riki bwa raoraona!*

Ma ngkanne Kali e iangoa te tai are e bwabetitoaki iai n te ririki ae nako. E berita bwa e na kakauongo nakon te Tamnei ae Raoiroi. Tao te Tamnei ae Raoiroi e buokia n uringa te bwai ae tuangnga Mom. Tao e kataia te Tamnei ae Raoiroi n tuangnga bwa e na takakaro ma te ataeinimwaane ae babobo ana karinano.

E mama Kali ao e teirake. Te namakin n tangira e butanako inanona. E nakonako nakoina ao

e tekateka irarikin te ataeinimwaane iaon te uteute. Mauri, e taku.

Mauri, e taekina te bwai ae aki mataata raoi.

“Tera am kara ae mamate nanom iai?”

“Um . . . te kuriin.”

“Akea te kaangaanga. I tangira te bingke,” e taku Kali. “Iai am man ae mamate nanom irouna?”

E tekateka te ataeinimwaane ni kaeta nukana ao n taraia. “Eng. I rangin n tatangirii dinosaurs.”

“O, ngai naba. Mamaten nanou bon te triceratops.”

E moangare te ataeinimwaane.

Ngkanne e a tang te beero. E teirake Kali ao e kabo nakon te ataeinimwaane. E moangare ngke e oki rikaaki nakon ana kiraatiruum n tingaia. E na bae n akea raoraona ae moan te tamaroa, ma e namakina te kukurei ngke e a tia ni kanakoroa a na ritieeti temanna. ●

E maeka te tia korokaraki i Utah, USA.



I rangin ni kawaekoa nakon te reirei. Ma I karekea te namakin ae I riai ni uota te baeki n chips ni mweengau moa. Imwiin te katawanou, raoraou Drew e taraa n nanokawaki. I titirakinna bwa tera ae riki. E taku bwa e a tia ni mwaninga kanana n te tawanou. I uring au chips, ngaia are I a anai n anganana. E taku Drew, “Anne te kabanea n tamaroa ni bwai ae e a tia temanna ni karaia ibuku n te reirei.”

Sarah M., 16 ana ririki, Utah, USA



KAMATAATA N TE TAMNEI IROUN BARBARA BONGINI